



UNIVERSITÄTS-
BIBLIOTHEK
PADERBORN

Tyrocinium Artis Oratoriæ Sacræ Et Profanæ

Moine, Joseph

Solodori, 1714

16. De Chria.

[urn:nbn:de:hbz:466:1-68834](#)

v. Ubi maximè opportunus est Locus communis ? Resp. In iis laudibus , aut vituperiis , ubi præter unam vel alteram actionem laudandi vix aliquid notum est. V. G. Laudare oportet Martyrem , de quo nihil constat , nisi quòd Romæ passus sit sub Nerone. Paradigma talis amplificationis habet paulò alio modo Candidatus Rhet. Progymn. 6. de seditioso.

CAPUT XVI.

De Chria.

I. **Q**uid est Chria ? Resp. Est amplificatio Chria quid facti , vel dicti alicujus , vel facti cum dicto quodam conjuncti , certis partibus comprehensa.

II. Quotuplex est Chria ? Resp. Triplex. *Acti*- Quotuplex
va, quæ factum aliquod ; *Verbalis*, quæ sententiam ; *Mixta*, quæ sententiam cum facto aliquo conjunctam excolit & amplificat.

III. Quot partes habet Chria ? Resp. O- Ejus partes
cto. 1. Est *Laus* illius , qui aliquid fecit , di-
xit , vel simul fecit & dixit. 2. *Explicatio* or-
nata talis facti vel dicti. 3. *Causa* una vel mul-
tiplex facti vel dicti. 4. *Contrarium* illi , de
quo agitur. 5. *Similitudo* idonea. 6. *Exemplum*
unum vel plura , in eadem re , in qua tale
dictum aut factum versatur. 7. *Testimonium*
Veterum , sive sensus auctorum , seu sacrorum

seu profanorum, circa eandem rem. 8. *Epilogus*, sive brevis conclusio talis amplificationis, ubi nonnunquam, si materia scilicet id ferat, locus esse potest Affectibus.

In eadem ob servanda. IV. Quid in Chria observandum? Resp. Ne primæ 2. partes in idem recidant, id est, ne posterior pars in priore jam continetur. Pro quo vitando præcepta per exempla tradit Candidatus Rhet. Progymn. 3. 2. Singulæ partes ita cohæreant ac connèctantur, ut non tantum una post alteram ponatur, sed ipse orationis contextus sequentem partem necessaria velut serie dictionis post se trahat, vel certè apto quodam nexu posterior ad priorem referatur. Formulas necnendi Chriæ partes tradit modò cit. liber. 3. Per Causam hîc intelligitur una, quæcunque congruat, ex illis, quas explicavi L. I. c. 3. n. 33. & seq.

Ubi idonea. V. In quo genere orationum adhiberi potest hic modus amplificandi? Resp. Præcipue in Exornativo; quamvis etiam aliquæ ipsius partes in Deliberativo possint locum habere. Plures pro amplificatione sumi possunt in orationibus, quæ sine argumentatione sunt, quam in aliis, quarum argumenta primò per argumentationes extenduntur.

VI. Si quis hoc modo velit uti, suntne omnes istæ 8. partes necessariæ? Resp. Neutrali; sed arbitarium cuivis est, assume-

re illas, quæ magis utiles fore videbuntur. Neque ordo supra positus ita necessarius est, ut non possint partes aliter collocari. Imò varietatis gratiâ, sicut non semper una dilatandi methodus est usurpanda, ita si quis Chrià sæpius uti vellet, prodesset & in partibus assumendis & in earum ordine vi-ces mutare.

C A P U T XVII.

De Historiis & Eruditionibus

I. **N**Um etiam istis usus est in Amplifica- Historiæ.
tione ? Resp. Attendendum ad inge-
nium Auditorum, an ament historias & e-
ruditiones, orationibus imixtas. Sunt regio-
nes & urbes quædam, in quibus historiæ in
orationibus, præsertim sacris, non admit-
tuntur. Aliis contrà sine his oratio nimis
arida videtur. Rudiori populo utiliter histo-
riæ proferuntur, quia ferè faciliùs capit,
retinet, ac sequitur doctrinas istis confirma-
tas. Consultissimum erit hac in re locorum
consuetudinem & auditorum propensionem
discere, seque illi conformare. Cæterū
utilitas historiarum inde maximè elucet,
quod ad eas audiendas humana curiositas
suapte natura ducatur, dum interim licet
oratori per eas, velut vivam morum pictu-
ram, liberiùs instillare quasdam veritates,
&